

Ní haoibhneas gan Chlainn Domhnaill

[Watson, W. J. *Scottish Verse from the Book of the Dean of Lismore* (Scottish Gaelic Texts Society, Volume 1, Edinburgh 1937), poem 11, p. 90-4]

A ughdar so Giolla Coluim Mac an Ollaimh an fear (dána)

1 Ní h-éibhneas gan Chlainn Domhnaill,  
ní comhnairt bheith 'na n-éagmhais;  
an chlann dob fhearr san gcruinne:  
gur dhíobh gach duine céatach.

2 Clann as saoire dár dealbhadh,  
i roibh eangnamh is ághas;  
clann dár bh umhail na tíorain,  
i roibh críonnacht is crábhadh.

3 Clann chunnail chalma chródha,  
clann ba teódha i n-am troda;  
clann ba mhíne i measg bantracht,  
agus ba chalma i gcogadh.

4 Clann ba líonmhoire eireacht,  
dob fhearr eineach is áireamh;  
clann nár chathuigh ar eaglais,  
clann lérbh eagail a gcáineadh.

5 Uaithne ána Alban uaine,  
clann as cruaidhe ghabh bhaisteadh;  
'gá roibh treas gacha tíre,  
seabhaig Íle ar ghaisgeadh.

6 Clann ba mhó is ba mhire,  
clann ba ghrinne is ba réidhe;  
clann dob fhairsinge croidhe,  
dob fhearr foidhíde is féile.

7 Meic ríogh nár thuill a n-aoradh,  
i roibh daonnacht is truime;  
fir allta uaisle fhonnmhor,  
i roibh bronntacht is buige.

8 Clann dob fhearr feidhm is faisgeadh,  
clann dob fhearr gaisgeadh láimhe;  
olc liom giorrad a h-íorna,  
'n bhé lér sníomhadh a snáithe.

9 Níorbh iad na droichfhir bhodhra,  
ná na fir lobhra laga;  
ré dol i n-ionad bhualte

fir nach cruaidhe na craga.

10 Clann gan uabhar gan éagcáir,  
nár ghabh acht éadáil chogaidh;  
'gar mheanmnach daoine uaisle,  
is agar bhuaine bodaigh.

11 Mairg ó rugadh an fheadhain,  
mairg do dheadhail ré gcaidreabh;  
gan aonchlann mar Chlainn Domhnaill,  
saorchlann ba chomhnairt aigneadh.

12 Gan áireamh ar a n-urdail,  
gan chuntadh ar a nduaisibh;  
gan chrích gan tús gan deireadh  
ar eineach agá n-uaislibh.

13 I dtosach Clainne Domhnaill  
do bhí foghlaim 'gá fáithneadh,  
agus do bhí 'na ndeireadh  
feidhm is eineach is náire.

14 Ar bhrón agus thuirse  
do thréigeas tuigse is foghlaim;  
gach aoinní ortha thréigeas:  
ní h-éibhneas gan Chlainn Domhnaill. Ní h-éibhneas.

15 Dobadh tréan gaoth ag tíorain  
fán aicme chríonna chomnairt:  
gé táid i ndiu fá dhímheas,  
ní h-aoibhneas gan *Chlainn Domhnaill*.

16 Na slóigh as fearr san gcruinne  
a muirn a mire a bhfoghnamh;  
*ní comhnairt* bheith 'na bhféagmhais:  
ní h-éibhneas gan Chlainn Domhnaill.

17 Macán láimhe [...]  
Dár saoradh ar gach doghrainn:  
gé tá sé dhúinne díleas,  
ní h-aoibhneas gan Chlainn Domhnaill. Ní h-éibhneas.